




Republika e Kosovës
Republika Kosova
Republic of Kosovo



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt Nr.01-110-385, të datës 03.12.2008, si dhe Rregulloren e Punës së Kuvendit nenit 27, e në pajtim me rregullat e procedurës.

Ekstrakt nga procesverbali i MBLEDHJES SË KUVENDIT KOMUNAL SKENDERAJ,
i datës 29.06.2026, ora 10:00

REND DITE

1. Fjala hyrëse;
2. Miratimi i rendit të ditës;
3. Shqyrtimi i procesverbalit nga mbledhja e kaluara;
4. Shqyrtimi i Kornizës Afatmesme të Buxhetit 2027-2029, , (Raporton Drejtori i DBF-së, **z. Behxhet Maliqi**);
5. Raporti vjetor i punës për vitin 2025 i Komisionit Komunal të Aksionarëve të Ndërmarrjes Publike Lokale Eko – Natyra SH.A. Skenderaj, (raporton Aksionari i Ndërmarrjes **z. Behxhet Maliqi**),
6. Pyetjet e këshilltare nën piken të ndryshme.

Kryesuesja e Kuvendit, Adelina Spahiu – Alija : Përshëndetje i nderuar Kryetar i Komunës së Skenderajt **z. Sami Lushtaku**, i nderuari Nënkyetar **z. Fadil Nura**, te nderuar përfaqësues të OSBE-së, Mapl, anëtar të Kuvendit, drejtor të drejtorive, dhe ju të gjithë të pranishmit, te pranishëm ne sallë i kemi 24 anëtar, mungon me arsye **Burim Veliu**, mungon pa arsye **Hysni Mehani**, ndërsa bashkëngjitet gjate seancës **Fikret Rexhepi**, vazhdojmë me miratimin e rendit të ditës, e hap debatin, pasi që nuk ka tjerë për diskutim shkojmë me votim, konstatojmë se me 21 vota për, 2 kundër dhe 0 abstenim miratohet rendit i ditës, vazhdojmë me piken e radhës shqyrtimi i procesverbalit nga mbledhja e kaluar e hapi diskutimin pasi që nuk ka për te diskutuar shkojmë ne votim, konstatojmë se me 19 për, 0 kundër dhe 2 abstenime miratohet procesverbali nga

mbledhja e kaluar, vazhdojmë me piken e radhës Shqyrtimi i Kornizës Afatmesme të Buxhetit 2027-2029, , (Raporton Drejtori i DBF-së, z. Behxhet Maliqi);

Behxhet Maliqi DBF- Faleminderit Kryesuese, përshëndetje për Kryetarin, Nënkryetarin dhe ju gjithë të pranishmit, korniza afatmesme e buxhetit 2027-2029, ka kaluar ne procedurat e diskutimit publik me gjithë akteret relevant dhe është hartuar bazuar ne legjislacionin ne fuqi, po e paraqes ne pika te shkurtra pasi qe materialin e keni marr me kohë, e shihni ne faqe 11 burimet e financimit si granti i përgjithshëm granti per arsim , shëndetësi shërbimet rezidenciale dhe te hyrat vetanake, pastaj struktura e grandit te përgjithshëm faktorët neper vite, pastaj e shihni faqe 14 tabelen buxhetin neper vite për vitin 2026 buxheti prej 20,245,395.00€, viti 2027 buxheti prej 20,814,790.00€ si dhe vlerësimet për vitin 2028 dhe 2029, pastaj te hyrat vetanake faqe nr 15 tabelen kah inkasohen te hyrat vetanake, pastaj shpërndarja e buxhetit neper kategori, faqe 18 projektet kapitale e shihni tabelën qe i shihni neper vite planifikimin e buxhetit pastaj performanca e drejtorive te Komunës ne buxhet duke filluar nga zyra e Kryetarit, Kuvendit e me radhe edhe neper drejtori, prezanton buxhetin sipas drejtorive me radhë, faleminderit nëse keni pyetje urdhëroni.

Afrim Kabashi, NSD – Faleminderit Kryesuese, Pershendetje te nderuar koleg nga ckzekutivi dhe legjistativi

I nderuari drejtor e kam lexuar matrealin lidhur me këtë pikë.

Porë paraprakisht kam disa qështje ti them ku gjatë leximit matrealit kam vrejt disa gabime teknike e te cillat sësht mirë me ndodhë.

Në faqen 11 ke thën te hyrat e pergjithshme qeveritare per vitin 2025 pritet te jenë 3.871.6 milion euro pyetja është a është per vitin 2025 a 2027,se në faqen 12 e ke paraqitë në vitin 2027.

Në faqen 13 ke thën se grandit per shendetësi është 6.84% qe ka rritje në tabel e ke lanë 7.34 %,kjo ndodhë edhe tek te hyrat komunale e në tekst ke thën se janë 2.7% më i lartë e në tabelë e ke paraqitë 2.81%,a ka mundësi me ditë cillat perqindje janë te sakta,gjithashtu edhe në vitet në tabela i ke lënë 2025/2026 dhe jo 2026/2027.

Në faqen 14 rendi i fundit vitin 2028 e ke paraqitë në dy vlera te ndryeshme 425,478 euro dhe 427,605 euro pyetja është cilla është e sakt.

Te tabela parashikimi i shperndarjes se mjeteve buxhetore per vitin 2027 ke thën zyra e kryetarit ka 742411 euro,ndersa te performanca ke thënë 525,783 euro cilla është e saktë.

Njëjtë ka ndodhë edhe te drejtoria per arsim 8,698,800 e ke thënë në tabelë ndersa performanca e drejtorive 8.809,038 euro edhe ktu është pyetja cilla është e sakt.

Njëjtë ka ndodhë edhe drejtoria e shendetsise në tabelë e ke shkruar ndryshe e poshtë te performanca e drejtorive ndryshe ,këtu edhe stafi nuk po te perputhet.

Njëjtë ka ndodhë edhe tek drejtoria per prokurimë në tabelën e parashikimit e ke shkruar ndryshe e poshtë te performanca e drejtorive e ke shkruar ndryshe këtu vetem permutacionë te numrave ka i ke bartë te dhënat.

Këto mundë te jenë gabime teknike porë qe mundë te permisohen.

E kuptojë gjendjen financiare në te cillen gjindet komuna dhe jo vetem komuna jonë e cilla gjendje lidhet me kontraten kolektive e më këtë lidhet edhe mungesa e buxhetit per realizimin e projekteve. Pore pasi qe na e keni prue si pikë te rendit te dites e ki është edhe e domosdoshme une i kam edhe disa pyetje per ju drejtor ,si dhe per drejtoret qe i perfaqesojnë drejtoratet,edhe pse disa drejtore po mungojkan në seance e kam pyetje per ta porë mund ti terheqi pyetjet.

Ju disa objektiva te KABIT në leter ishin te shenuar per mrekulli porë këto projekte kerkojnë konkretizim e jo te mbeten projekte vetem në leter te shkruara sepse kerkojnë financa dhe buxhet.. Se pari kisha kerkuar te realizohen projektet e mberura gjysem në realizim.

Si pyetje e parë kamë në parashikimin për ndarje buxhetore tek drejtoria e bujqësisë kamë një kërkesë të rritet buxheti e jo të zvoglohet ashtu siqë ishte planifikuar duke pasur parasyshë në kërkesat dhe nevojat e fermerve në përjrahje pasiqe ky sektor krijon të hyra byxhetore si dhe krijonë vende pune.

Te projektet kapitale për periudhën 2027-2029 emertimi i projektit nën piken 2 bashkë financim a ka mundësi të dimë konkretisht cilli është emertimi i projektit.

Nën piken 7-ndërtimi i zonave rekreative në qytet dhe hapsira e shtigjeve të ecjes -shuma për vitin 2027-165 mijë euro,,në vitin 2028-70 mijë euro,në vitin 2029-120 mijë euro,për qka bëhet fjalë.

Pasiqe drejtori për urbanizem dhe arsim nuk janë prezent i terheqi pyetjet.

Për drejtorin e bujqësisë-drejtor tek projektet kapitale,pore asë të objektivat e drejtoratit për vitin 2027-2029 nuk pashë që keni parapa projekt për trajtimin e qenve endacak e të cillet janë shumë aktiv e posaqerisht në qytetë e ku shumë herë po rrezikohen jeta e njerzve e veqmasë nxënëve dhe të moshuarve.

Për drejtorin e shëndetsisë -drejtor tek projektet kapitale keni parapa renovimin e objekteve të QKMF-QMF-së,dhe AMF-së desgha të di a keni parapa diqka për ambulancën në Polac e ku dihet në qfarë gjendje është ambulanta,si dhe a keni parapa për ndihmë në financa për personat që janë të prekur nga sëmundja e kancerit e ku po shtohet numri i tyre në kohë të fundit me masë të madhe!

Floriana Halili, LVV- Faleminderit Kryesuese, përshëndetje për të gjithë, drejtor tek ndriçimi publik në qytet dhe bashkësi lokale, për çfarë ndriçimi publik bëhet fjalë apo vetëm është e cekur ashtu, kur e dimë si janë jashtë funksioni si në Rezallë ashtu edhe në Runik e në shumë fshatra tjera, pastaj projekti renovimi i Qkmf dhe Amf, për cilat bëhet fjalë konkretisht, pastaj projekti kapital rregullimi i subqendrave Runik Çirez, prej si kem fillu mandatin e asamblesë janë këto projekte e kerr nuk përfunduan, pse nuk i shikojshin ndonjë kërkesë apo nevojë a imediate si psh uji i pijes neper fshatra, pastaj projekti i ujësjellësit ka mbetur vetëm projekti sa ka realizu në qeverisjen e Bekim Jasharit, pastaj tek drejtoria e administratës tek kategoria e pagave për çështjet gjinore nuk është cekur shumë fare, faleminderit.

Behxhet Maliqi DBF- Faleminderit Kryesuese, Afrim e vërtete se në këtë kornizë ka disa gabime të vogla teknike, të dhënat e sakta janë në tabele mirëpo në kornizën që i dërgohet ministrisë është pa gabime, Floriana ndriçimi publik është projekt në vazhdim nuk ka përfundua për shkak se përmbaruesi na i ka marr mjetet për kontratë kolektive, ndërsa projekti renovimi i Qkmf dhe Amf, është kërkesë e drejtorisë së shëndetësisë në ato Amf ku janë nevojat për renovim do të renovohen.

Nezir Bejta, LVV – Faleminderit Kryesuese, përshëndetje për të gjithë, pyetja ime është për stadiumin tribunat vlera 250 mijë, kur dihet se klubi i futbollit ka kalu në pronësi private nëse është kështu, pastaj tek pika 22 dhe 27 asfaltimi i rrugëve në bashkësi lokale pse i keni nda në dy pjesë kur shihet se projektet janë thujtë të njëjta, pastaj furnizimi me laborator dhe kabinete në shkollat shumë është shumë e vogël 30 mijë çka më bërë me të keqe kur i dimë nevojat kërkesat, si dhe për Kryesuesen një pyetje për në asamblistët e ri për laptopa a do të na furnizoni, faleminderit.

Nënkryetari, z. Fadil Nura – Faleminderit Kryesuese, përshëndetje për të gjithë e pash të nevojshme të japi disa sqarime të nevojshme lidhur me KAB-in, ky dokument është dokument fillestar i cili do të pësojë ndryshime deri të finalizimi deri të buxheti total, projektet mund të lëvizin deri në atë fazë, mirëpo duhet të dimë sfidat të cilat po kalojnë shumica e Komunave, çështjen e kontratës kolektive e cila po penalizon në realizimin e projekteve kapitale, rreth projektit të ujësjellësit kemi me vazhdua me këtë projekt, ndërsa rreth klubit të futbollit Drenica investitori i ka pasur disa obligime në bazë të marrëveshjes e që nuk ju është përgjigjur obligimeve që i ka pasur, stadiumi është prone publike.

Afrim Kabashi, NSD – Drejtor thash janë gabime teknike qe nuk është dashtë me ndodh, nuk mora përgjigjeje ne pyetjen se a ka mundësi me u rrit buxheti për drejtorin e bujqësisë pasi qe buxheti i planifikun as për se afërmi si mbulon nevojat për bujqit e Komunës sonë.

Behxhet Maliqi DBF- Afrim, vullneti i jone është me qene buxheti me i madh për drejtorin e bujqësisë, mirëpo këto janë mundësit, te shikojmë me qarkoren e dyte buxhetore.

Floriana Halili, LVV- Faleminderit Kryesuese, tek rahabilitimi i ujësjellësit, është mire qe edhe disa fshatra mos me i diskriminu , pastaj tek renovimi i Qkmf edhe Amf, është cekur shuma, qysh e keni cek shume pa i dite cilat Amf keni me i renovu, pastaj orari i Amf në Runik qe është deri ne ora 14;00, është mire me zgjate këtë orarc pasi qe është kërkesë e qytetareve.

Hasan Hoti, DSHMS- Faleminderit Kryesuese, përshëndetje për të gjithë, rreth pyetjes se Afrimi kemi pasur gjithsej 140 raste të paraqitura e qe ju kemi ndihmuar me shume prej 32000€, pastaj rreth orarit te Amf ne Runik është orari i njëjtë si ne te gjitha Amf tjera deri ora 15;00, faleminderit.

Behxhet Maliqi DBF- Floriana e keni qeverinë, mundësin e keni si Komunitat tjera qitnaj 3 milion me i mbulu borxhet e hajde vete vendose se cilat Amf me i renovu, Floriana tregom çka kam vjedh se për ndryshe do te padisë,te kërkoj publikisht me dite se çka pasna vjedh, sepse veq sa i kam dhënë këtij vendi e qe liria e këtij vendi me ka kushtuar mjaft shume.

Kryesuesja e Kuvendit, Adelina Spahiu – Alija : Floriana të kisha kërkuar me qene me e kujdesshme me gjuhë.

Floriana Halili, LVV- Deshta me të thënë drejtor se veç bëni kërkesat ne qeveri se asnjë here nuk do ju refuzohen nëse janë ne interes te qytetareve ato kërkesa, edhe tjera e kemi pare 4 vite keni qene drejtor ne bujqësi e dimë si kane shkuar punët.

Behxhet Maliqi DBF- Prapë po te kërkoj tregomë se çka kame vjedh le te dine te gjithë qytetaret, për ndryshe do te shihem në Gjykatë.

Nezir Bejta, LVV – Një sqarim qe nuk ka dhatë për tribuna, çka ka përfshi marrëveshja ma konkretisht si dhe për projektin asfaltimi i rrugëve i njëjti ne dy kode 22 dhe 27 nuk dhatë sqarim, faleminderit.

Nënkryetari, z. Fadil Nura – Marrëveshja ka qene publike rreth klubit, subjekti i juve ka kerku qasje ju kemi ofrua qasje, investitori nuk i ka përmbush obligimet qe rrjedhin nga marrëveshja, po presim pastaj ta shfuqizojmë atë marrëveshje ne procedurë ligjore

Kryesuesja e Kuvendit, Adelina Spahiu – Alija : Faleminderit Nënkryetar, Fikret Rexhepi na u bashkëngjiti ne seance , pasi qe nuk kemi tjerë për te diskutuar, shkojmë ne votim te KAB-it, konstatojmë se me 20 vota për, 2 kundër dhe 2 abstenim miratohet Shqyrtimi i Kornizës Afatmesme të Buxhetit 2027-2029, vazhdojmë me piken e radhës, Raporti vjetor i punës për vitin 2025 i Komisionit Komunal të Aksionarëve të Ndërmarrjes Publike Lokale Eko – Natyra SH.A. Skenderaj, (raporton Aksionari i Ndërmarrjes z. Behxhet Maliqi),

Behxhet Maliqi DBF- Faleminderit Kryesuese, po e prezantoj ne pika te shkurtër këtë raport pasi qe te cilin e keni ne material, Komisioni Komunal i Aksionareve të Ndërmarrjes Eko – Natyra gjate vitit 2025 ka mbajtur 13 mbledhja ka miratuar një serë rregullores vendime te rëndësisë për funksionimin e kësaj ndërmarrje, Ndërmarrja Eko- Natyra gjatë vitit 2025 ka bere një punë të shkëlqyer, ku punëtoret e kësaj ndërmarrje vazhdimisht po e mbajnë qytetit te pastër te mundësit e kapacitetet qe kane pavarësisht vështirësive financiare qe ju paraqiten, e qe ka nevojë ne atë ndërmarrje te investohet me shume si ne makineri e mjete pune, shihni ne material punët te cilat janë kry, pastaj aktivitetet qe i kane realizu dhe te gjitha ne detaje, faleminderit nuk po e zgjati me shumë.

Kryesuesja e Kuvendit, Adelina Spahiu – Alija : Faleminderit drejtor e hap diskutimin.

Afrim Kabashi, NSD - Nëse diçka meriton respekt për punën që e kryejnë janë këta punëtor të kësaj ndërmarrje, që po e mbajnë jashtëzakonisht mirë qytetin tonë, po e shoh një borxh që i ka Komuna ndërmarrjes pse nuk po ja paguni borxhet, sepse ndikon direkt në funksionimin e ndërmarrjes, pyetje tjetër pse nuk po shikoni me fuzionin unitetit në Eko – Natyrë pasi që po i shohim sukseset e kësaj ndërmarrje, faleminderit.

Behxhet Maliqi DBF- Vullneti është i Komunës, mirëpo këto janë mundësitë buxhetore, ndërsa për fuzionim, tash është komisioni i ri i aksionareve që vendos.

Kryesuesja e Kuvendit, Adelina Spahiu – Alija : Pasi që nuk ka tjerë për të diskutuar, shkojmë me votim, konstatojmë se me 19 vota për, 2 kundër dhe 2 abstenim, përkrahet Raporti vjetor i punës për vitin 2025 i Komisionit Komunal të Aksionarëve të Ndërmarrjes Publike Lokale Eko – Natyrë SH.A. Skenderaj, vazhdojmë me piken e radhës Pyetjet e këshilltare nën piken të ndryshme

Afrim Kabashi, NSD - 1.)Për Drejtorin për Urbanizëm

Drejtor a planifikoni të filloni në punimet e mbetura gjysmë tek asfaltimi i disa rrugëve mbrenda fshatit si tek lagjet Gruda, e Gjamisë, Veliu, Koci të cillat janë të trasuara në zhavorë dhe të cillat janë mbetura të pakryera nga vitet nga vitet 2023/24.

2.) Për Drejtoreshen Kulturë Rini dhe Sport!

Drejtoresha a planifikoni në këtë vitë në vazhdimin e manifestimit "Ditet e Mergates" e cilla ju kushtohet mergimtarve dhe në kuadër të kësaj a keni planifikuar me ndonjë risi në program apo do të jetë vazhdimi i viteve të kaluara.

3.)Pyetje për Kryesuesen e Kuvendit.

Kryesuesja a keni në plan që të bëni të mundur që seancat e kuvendit komunal të mbahen live për publikun ashtu siqë veprojnë shumica e komunave në Kosovë.

Si dhe a keni planifikuar në paisjen me laptopë për asambleistët të cilët nuk janë paisë!

Nënkryetari, z. Fadil Nura – Për pyetjen për organizimin ditët e mërgatës, është në përgatitjen këto dite e caktojnë ditën e fillimit të këtij organizimi, ndërsa për asfaltimin e lagjeve të Polacit kanë qenë të planifikuar mirëpo përmbaruesi i ka marrë mjetet.

Kushtrim Dragaj, PDK – Faleminderit Kryesuese, përshëndetje për të gjithë, pyetjet e mia janë këto, Pyetje për Drejtorin e Urbanizmit

A) Duke qenë se pritet të fillojnë punimet në rrjetin e kanalizimit në Runik, a është planifikuar të rregullohet edhe kanalizimi në lagjen Dauti dhe Selmani? Banorët e kësaj lagjeje vazhdojnë të jenë pa kanalizim që nga vërshimet e vitit 2023, problem për të cilin besojmë se jeni i informuar. Kur pritet të ndërmerren hapa konkretë për zgjidhjen e kësaj çështjeje?

B) Banorët e lagjeve Hetimi, Hasani dhe Bejta në Klinë të Mesme kanë paraqitur kërkesë për ndërtimin e rreth 370 metrave kanalizim. Duke pasur parasysh se rrjeti ekzistues është ndërtuar në vitin 2019?

C) Drejtor, janë bërë më shumë se 7 muaj që rreth gjysmë e ndriçimit publik në qendër të Runikut është jashtë funksionit. A pritet që ky problem të zgjidhet para ardhjes së diasporës?

2)Pyetje për Drejtoreshën e Kulturës

Drejtoreshë, a keni ndonjë informacion nga Ministria e Kulturës apo nga OJQ Hajde lidhur me projektin e Shtëpisë së Kulturës në Runik? Kur pritet të fillojnë punimet?

Nënkryetari, z. Fadil Nura – Kushtrim për subqendrat e dini si janë ne proces te realizimit ndërsa rreth rrugës ne Lagjen Hetemi, ka pasur probleme pronësore, i kemi adresuar nevojat për atë rrugë, ndërsa për ndriqimin publik ne Runik, operatori ka kontrate.

Kryesuesja e Kuvendit, Adelina Spahiu – Alija : Faleminderit Nënkryetar, pasi qe pyetje tjera nuk ka, e mbylli këtë seance, faleminderit.

Procesmbajtësi



Kryesuesja e Kuvendit

